

24407 N. 24
Lane Medical Library
REMEDIORVM PURGANTIVM
ATQVE HORVM IN PRIMIS
HELLEBORI IN MANIA
FRVCTV

GRATIOSI MEDICORVM ORDINIS
AVCTORITATE

PRAESIDE

BERNHARDO CHRISTIANO
OTTO,

PHILOS. ET MEDIC. DOCT. MEDIC. PROFESS. P. O.
SOCIETAT. PATRIOT. OECÓNOM. SILES ET MARCH.
PHYSIOGRAPH. LVNDENS. NATVR. SCRVTAT. BE-
ROL. ATQVE HALENS. SODAL. ORDINIS MEDICI
H. T. DECANO,

D. VI. JVNII MDCCCI.
DOCTORIS MEDICINAE ET CHIRVRGIAE
GRADVM

LEGITIME CAPESSITVRVS

PVBlice DISSERET

CAROLVS FRIDERICVS LVDOVICVS
ROSCHER

GENTHINO - MAGDEBVRGENSIS.

TRAIECTI AD VIADRVN,
E TYPOGRAPHEO APITZIANO,

Frankfurt 4 d. C.

Digitized by the Internet Archive
in 2026

V I R O

ILLVSTRI CONSVLTISSIMO

DOCTISSIMO

JOANNI MICHAELI

H I N Z

POTENTISSIMO BORVSSORVM REGI

IN

RE BELLICA ET AERARIA CIRCVLI

JERICHОВIENSIS CONSILIARIO

FAVTORI ET AMICO SVO

HASCÆ

STVDIORVM SVORVM PRIMITIAS

D. D. D.

. A V C T O R .

§. I.

Corporis ac mentis mirus consensus.

Viuere quidem magnum quid, at bene viuere melius et optabilius est. Bene autem viuit, qui integra sanitate exstructus munia et corporis et animi probe exercet. Quamquam enim ingenio saepe pollet, cuius corpori natura parum prospexit; vtriusque tamen summe et impendio magis sanitas optanda est. Tantus enim vtriusque est consensus, vt alterum non nisi alterius auxilio perstare atque vigere queat. Hinc mentis idonea exercitatio functionum vitalium proinde ac naturalium energiam atque corporis motio ingenii vires sustentat. Horum autem neutrum citra sanitatis iacturam vel modum excedere vel negligi potest. Qui igitur nulli negotio intenti soli ventri viuunt, hos demum et mente et corpore impotes,
immo

immo fatuos saepe fieri cernimus. Itemque grauissimis concatenatisque laboribus fracti mentis hebetudinem sentiunt. Contra qui corporis sui immemores interdum noctuque toti sunt in litteris et cogitatione, horum omnis tandem vis quasi in cerebro colligitur in fraudem aliorum organorum, eorum maxime, quae digestionis et chylicationis praesunt muneri. Quid obstat, quominus hepatis, ventriculi atque intestinorum passionibus in animum ipsum redundent? Quid mirum igitur, si hypochondriae in litteratis tam multa nobis occurrunt exempla? Etenim eorum, quae hominem efficiunt, integritas quam maxime in vitium aequilibrio consistit, cuius seruandae alterna corporis et mentis requie curam nos agere oportet.

Idem consensus porro euadit ex animi pathematum et valetudinis ratione comparata. Quantum enim gaudium atque animi aequitas conferunt ad corporis salutem tuendam, tantum haec ipsa in mentem valent. Neque noui quid est, quos laesa digestio atque viscerum abdominalium obstructions per longum tempus male habuerint, horum demum mentem perturbari perinde ac illorum qui curis, moerore et inui-

invidia exagitantur. Immo nulla fere datur corporis affectio, quae non in animum redundaret.

§. II.

*Viscerum abdominis atque cerebri
consensus circa maniae pro-
geniem momentaneus.*

Quamquam igitur nouissime Cl. HARPER *) asseruerit, *maniam* tantum a causis immaterialibus oriri posse, omnium tamen seculorum fidae observationes huius viri sententiae contradicunt. Quae enim si vera esset, ad morbum curandum minus opus fore remediis alium ducentibus aliisque, in corpus proxime agentibus, sed potius ab immaterialibus, id est a sermonibus, qui mentem corrigunt, auxilium petendum esse, sequeretur. Contra autem, cum pro
arctissi-

*) Abhandlung über die Ursache und Heilung des Wahnsinns, übersetzt von CONSRVCH, 1798.

arctissimo cerebri, sensorii communis receptaculi, atque reliquarum partium connubio nulla existat mentis operatio, quae non corpus quoque attingeret, nullum subest dubium, quamlibet maniae speciem non-nihil corporeae mutationis vel supponere vel inducere. Ultra imprimis, quam quod oratione comprehendi posset, cerebri atque ventriculi est consensus, quem vomitus capitis commotionibus tam facile superuenientes, itemque a sordibus gastricis dolor ortus circa frontem atque turbatae mentis functiones satis declarant. Ex eadem causa famis diuturnae cruciatus teste GALENO satis esse ad velaniam proceandam, contra post tempestivam abstinentiam, quam CELSVS *) commendat, atque nauseam longam animo desipientes saepe ad se redisse, notum est. Quantum porro et venena narcotica, per os ingesta, in cerebrum valeant, quis est, quem fugiat? Nec minus intestinorum ratio ad animi morbos contribuere videtur. Immo vermes intestinales et obstructiones aluinae, ni maniam producant, longior-

rem

*) De med. lib. III. cap. 18.

=

9

rem tamen eam reddere, curationes ostendunt. Idem valet de visceribus chylopoieticis, quae tum ob magnos, quibuscum cohaerent, nervorum plexus, cum ob functionum suarum dignitatem haud exiguum in totum corpus ideoque vel in cerebrum habent potestatem. Ex horum incitatione anomala, ut in hepatis morbis longis evenire solet, prauos gigni humores, morbum saltim augentes, rationi haud contrarium est. Hinc illa veterum atra bilis, quandoque ignorantiae risum mouens, tanquam melancholiae effectus atque maioris insaniae scaturigo e finibus artis nostrae nequaquam proscribenda esse videtur. Neque credere licet, antiquiores viros, dum huiusmodi humorem statuerint, praesumpta opinione ductos esse, sed potius eam, quae ex morbi sequelis diligenter atque ingeniose perlustratis euasit, significationem sincere tradere voluisse. Id quod nudae veritatis studium tanto maiorem meretur laudem, quanto magis vel hodiedum conveniamus oportet in hac ipsa re. Si enim, inisso atrae bilis nomine, ea curiose perpendimus, quae in mania melancholica obveniunt (aegrotantium videlicet sanguinem ob carbonici in eo abundantiam ferme atrum solitoque spissiore, nec non corporis

corporis habitum pallidum atque ictcritium inueniri); nemo dubitabit, quin in his corporibus quam maxime ad viscerum abdominalium functiones laesas respici debeat.

§. III.

Vteri in cerebrum potestas.

Vt autem aliorum viscerum, sic vteri quoque functiones turbatae magnam in cerebrum habent potestatem. Hoc iam interdum videre licet in pubescentibus, de quibus et nostra aetate saepe valet illud HIPPOCRATIS; *morbi circa caput et viris et muliebribus vehementissimi sunt, maxime cum menses appetunt.* Quem locum non solum de capitis doloribus intelligendum esse putarem; etenim paullo post additur: *verum affectiones atrabilariae his minus, quam viris, nisi menses omnino aboleantur.* — Similia edocemur in grauiditate, qua durante saepe turbida insomnia mentisque a vagis imaginibus perculsiones, timores, pauores nasci, quis est, quin viderit? Maior adhuc, quam quod credibile, est illa symptoma-
tum

tum foetura in affectionibus vteri morbosis, praesertim menstruum defectu et huic superueniente chlorosi, quae in melancholiam hysterica facile degenerans mortis appetitionem atque rerum desperationem creat. Vel deliriorum febrilium fontem haud raro in vteri functionibus laesis quaerendum esse, ex HIPPOCRATE *) discimus, cuius verba sunt: *Si virgini menses maturi non proueniunt, multum et febrit, et dolet, et esurit, et vomit, et furit, et rursus resipiscit.* — Eodem quoque loco haberi debet mensium suppressio; namque causarum permultae, ut ira vehemens, terror, curae, euacuationes omnis generis immodicae, exanthemata retropulsa etc., quibus in aliis fluxum muliebrem interpellari videmus, in aliis ad animi nervorumque morbos producendos satagunt, ut ideo menstruum suppressio et huic superueniens insania non raro vni tribuenda sit causae. Quodsi dein digestionem laesam, conge-
stiones, infarctus, obstructiones, chlorosin, hysteriam aliasque plures, quae ex mensium defectu vulgo prodire solent, respici-
mus

*) Lib. de superfoetatione.

mus aegritudines, satis momentaneas ad mentis functiones perturbandas; nihil credere nos prohibet, ipsam maniam, licet forsan longiore spatio exacto, agmen claudere posse. Tanto maius capiti imminet periculum, si menstrua loco incongruo apparentia ob falsam haemorrhagiae speciem temere supprimuntur, praesertim in febrilibus, in quibus quandoque morbum solunt. Incautae, quam medicus male consultus in simili casu instituerat, venae-sectioni delirium ingens superuenisse BALLONIVS *) refert. Quamquam igitur non audiendi sunt, qui menstruorum suppressione plethoram nasci affirmant, in eo tamen conueniat oportet inter medicos, naturam non temere ab instituto suo esse reuocandam. Si enim, quod semel excludere instituit, per unam partem excernere prohibetur, aliam molitur viam, magis incongruam. Id quod profecto non fieri solet sine magnis congestionibus, tam corpori, quam animo infestis. Hinc illa antiquitatis opinio; furore implicari eas, quibus sanguis colligeretur ad mammas. Quodsi autem haec congestio tanti est, ut insaniam pro-

*) Consil. medicinal. Lib. II. hist. 4.

producat, quanti potius illa, quae cerebrum ipsum offendit? — Quanta porro in feminis effrenatae libidinis, quas tamen viros ultropetere vel pudor, vel agnatorum vigilantia prohibet, vteri in cerebrum est potestas! Memorabile huius rei exemplum apud HIPPOCRATEM *) legitur: *Leonidae filiae naturam, ibi traditur, cum ad impetum incitaretur, auersam esse, auersam autem in iram excanduisse.* Quem quidem locum, cum τῆς Φύσεως nomine vterus audiat, de insania ex vtero fluere de furore vterino intelligendum esse, puto.

§. IV.

Medicinae aluum exonerantis in mania fructus.

In omnibus maniacis non tam aegro animo, quam corpori potius subueniendum esse, ex hactenus dictis satis elucet. Magis autem valent ad huius sententiae veritatem stabiliendam pharmacorum ad
mor-

*) Epid. lib. VII. ad finem.

morbum nostrum laudatorum effectus, quos non nisi corporis functiones laesas proxime corrigendo animo salutare fieri, constat. Haud aliter profecto remediorum purgantium, quibus in mania nullam medicinam anteponerem, virtus comparata est. Horum quidem medicaminum usum iam ideo sana suadet ratio, quoniam ex desipientibus vix ullum videris, quem non una male haberet pertinax alui obstructio, noua sane et haud contemnenda morbi perdurantis causa. Cui in plurimis accedit magnus intestinorum torpor, qui vix ulli medicinae locum faciens rem in peius vertit. Ob hanc solam causam te iam longe progressum esse, puta, si vnam purgationem expulisse tibi contigit. Quantum ab hoc euacuationis genere, tanquam sensibilitatis intestinorum quodammodo restitutae nota, sperandum sit, ex antiquiorum testimonius euincitur, qui melancholiam et maniam torminibus *, et dysenteria sponte solutam esse, saepe obseruauerunt. Vel in morbis agnatis natura medicatrix saepe eadem via usa est ad pristinam salutem resti-

*) Cf. CELS. de medic. lib. II. cap. 8.

restituendam. Sic in phrenitide epidemica, cuius historiam Cel. SARCONE *) litteris mandavit, *diarrhoeam spontaneam et facillime et felicissime morbum in plurimis soluisse*, traditur. Id quod tanto magis nostram attentionem meretur, cum longe Cel. MORGAGNI **) in simili morbo epidemico, e quo fere neminem euasisse vidit, feminam tamen quandam per multa, quae ultra quattriduum alius effudit, grauissime olentia et ex atro rubescencia penitus liberatum vidit. Quodsi tandem ponderamus, quantum motus peristalticus celerior valeat ad aliorum viscerum, hepatis praesertim, functiones permutandas, tanto magis elucescit remediorum purgantium in mania fructus. Cum autem in his helleborus primum locum obtinere videatur, de hoc praesertim agere mecum constitui.

*) *Geschichte der Krankh. zu Neapel.* §. 537.

**) *De causis et sedib. morbor.* Ep. VII, art. 12.

§. V.

*Quanti habitus fuerit helleborus
apud antiquos.*

Helleborum antiquitus plurimum fuisse ad leuanda mentis vitia, iam ex adagio *πῖθ' ἐλλέβερον* apud ARISTOPHANEM, quo dicto insanne quempium significat, cognosci potest. Porro apud GELLIVM *) legimus; CARNEADEM academicum, aduersus Stoici ZENONIS libros scripturum, superiores corporis partes helleboro purgasse, ne quid ex corruptis in stomacho humoribus ad domicilia vsque animi redundaret et constantiam vigoremque mentis labefaceret. Quanti porro remedium nostrum habitum fuerit apud Romanos, iam euadit ex trito illo; *nauiga ad Anticyram*, quo stultos et inepte loquentes facete compellere solebant Romani. Est autem Anticyra, ad quam HORATIVS **, alludit, Archipelagi insula, in qua ex plurimorum auctorum testimonio ingens hellebori copia nascitur.

§. VI.

*) Noct. a. ic. cap. 15. lib. VI.

**) Satyr. 3. Lib. II, vers. 77. seqq.

§. VI.

Hellebori variae species officinales.

Plures dari, quae vſui medico interviunt, hellebori ſpecies, ex rei herbariae ſcriptoribus ediſcitur. Quaeenam vero ex his veterum plauſum maxime tulerit, cum neque celeberrimorum virorum, in quibus praefertim LORRY atque SCHVLZ commemorari debent, experimentis therapeuticis, neque TOVRNEFORTII, ſuſceptis per Graeciam itineribus explorari potuerit, forte in perpetuum nos praeteribit. Tanta hodie dum in hac re extat ſententiarum conflictus, vt a veritate enucleanda manum remouere oporteat tironem in arte medica. Attamen praeteriri nequit, climatis atque ſoli rationem diuerſam multum conferre ad remediorum ex regno vegetabili deſumptorum qualitates et virtutes immutandas. Idcirco non mirum cuiquam videbitur, ſi helleborus noſter illi, quem Graecia protulit, non in omnibus respondeat, vtique ſi in hortis colitur.

Ex iis autem hellebori ſpeciebus, quae prae ceteris in vſum medicinaleſ conuer-

B

tun-

tuntur, *nigrum* modo et *album* sic dictum nominasse sufficiat, vt quae maxime finem exoptatum attingere videntur.

Helleborus albus (*veratrum album* LINN. *) in Russia, Sibiria, Austria, Heluetia, Italia, Hispania et Graecia nascitur. Est autem planta e regno polygamiae monoeciae, scapo nudo, foliis magnis oualibus, sessilibus, glabris, flore vulgo subuiridi, ex petalis sex irregularibus composito, interdum quoque albicante, purpureo vel nigricante. **) Radix, quae sola vsui medicinali inseruit, est nodosa, oblonga, magnitudine nucis myristicae, extrinsecus cinerea, intus alba, sapore amaro acerrimoque,

*) Vid. Herbarium Blackwellian. emendat. et auct. Norimb. 1757. Tab. 74.

**) Quamquam LOBELIUS et MYNTINGIUS florem album a subuiridi, IO. BAYHINUS vero nigrum et purpureum ab atro rubente, tanquam species peculiare distinguunt, plurimi tamen auctores huius differentiae nullum fecere mentionem, rati videlicet, coloris varietatem tantum causis accidentibus esse tribuendam.

que, odore ferme nullo distincta. Eiusdem succo expresso tanta inest acrimonia, ut huius aliquid in vulnera delatum mortem inferat. *) Hanc ob rem olim Hispani, venatum ituri, ad venenandas sagittas illo vti esse dicuntur. Interne datus et vomitum et purgationem valentissimam efficit. Interdum autem idem effectus tam plenus est terroris ac perniciosis periculi, ut iam dosis aliquot granorum in quibusdam hyperemesin, convulsiones vel sedes cruentas faciat. Ast hanc vim violentam additis acidis frangi posse, medicis iam dudum innotuit. Hanc ob rem FERNELIVS, corticem radicis cum vino infundendum et dein porrigendum esse, scribit. Eadem mente CONRADVM GESNERVM oxymel exinde praeparasse, legimus. Aliis tinctura magis probatur, quae ad viginti triginta guttulas propinata iam satis alium purgat. Vtrum vero haec pharmaci nostri species eadem fuerit, quam HIPPOCRATES, DIOSCORIDES, CELSVS atque omnium maxime ARETAEVS sibi habuerunt commendatissi-

B 2. mam,

*) V. philosophical transactions etc. Vol. XLVII.
p. 81.

mam, neque veterum mancis descriptionibus, neque recentiorum indefessa opera diligentiaque euinci vnquam poterit, utpote cum vel ex his alios a floris colore, caractere pro climatis ac soli ratione admodum variabili incertoque, alios a radice facie, quae itidem non vnius semper speciei esse solet, incana *albi* cognomen petiuisse constet. Hoc saltem ex collatis medicorum testimoniis euadit, eius, quae LINNAEO veratrum album audiebat, plantae virtutes longe postponendas esse illis, quas in eiusdem nominis pharmaco ARETAEVS *) ad coelum usque extulit.

Helleborus autem niger s. veratrum nigrum DODONAEI (al. *Melampodium***), montium Pyrenaeorum atque Apenninorum incolae, ad vegetabiliū eam, quae polyanthia polygynia a LINNAEO inscripta est, pertinet classem. Cuius quidem plantae truncus scapo subunifloro atque subnudo, interdum

*) De curatione diuturn. morb. Lib. II. c. XIII. sub finem.

**) Vid. Herbar. Blackwell. Tab. 505.

terdum bifloro, foliis pedatis atque flore roseo gaudet. Radix nodosus fibrillis longis, extrinsecus nigris, intus albidis, nullo odore, at sapore nauseoso acerboque distinctis instructus est. Fibrillae tantum sunt, quae a nostris in usum medicum convertuntur. Contra PAVLVS AEGINETA de suo eiusdem nominis pharmaco scribit; *cortice radice tantum utendum esse, rejecta parte interiore alba.* Quid formam huius remedii attinet, cum pulueris crudi usus laud adeo tutum sese exhibuerit, iam pridem alii infusum aquosum, alii vinum melampodii commendarunt. Quibus tamen extractum aquosum palmam praeripere videtur; id quod vel ad grana quinque usque viginti propinatum, vel ad drachmam dimidiam, et quod excedit, clysmatibus additum insignes aluum purgandi, nec non vermes et sanguinem, tam menstruam quam haemorrhoidalem, propellendi exerit virtutes. Prae reliquis forma pilularum vsui interno idonea esse videtur. Hac enim ratione huius pharmaci in intestinis solutio successiue perficitur, nec in tot puncta, nec tot particulis simul agere potest, cum e contrario id ipsum in forma fluida datum plura puncta

puncta tangens vehementius citiusque agat *).

§ VII.

Hellebori nigri virtutes speciatim consideratae.

Et si nos praeterit, qualis radix, ab helleboro κατ' ἐξοχήν vocata, veterum maxime promeruit laudem **); his tamen

*) Cf. E. ANT. NICOLAI syst. mat. med. T. I. p. 164 seqq.

**) Ceterum nobis persuasum est, eam plantam, cui a nonnullis *hellebori* HIPPOCRATIS, ab aliis rectius *Pseudohellebori* nomen tributum est, quamque Cel. TOVRNEFORT sub ranunculi genere comprehendit, ob summam floris fructusque dissimilitudinem nullatenus hellebori generi, prout etiam ob defectum squamularum nectariferarum nullo modo ranunculis adnumerari posse. Cf. Herbar. Blackwell, Tab. 504.

men plures eiusdem plantae species innotuisse reperimus. Praeter hanc autem, cuius priori loco mentionem feci, haud profecto minoris habita fuisse videtur, quae in Graecorum et Romanorum libris modo *melampodii*, modo *hellebori* siue *veratri nigri* nomine occurrit. Magna huius contra insaniam virtus GALENI et PLINII, maxime tamen DIOSCORIDIS *) testimonio euincitur, qui primus curationis memorabilis, a pastore Melampo in Praeti filiabus hellebori nigri ope peractae, memoriae prodidit exemplum. Tanta quidem insania ceperat has puellas, ut in vaccas sese transfigeratas esse sibi persuaderent. Vel AETIVS **) atque CELSVS ***) eiusdem nominis medicamini haud minores tribuerunt laudes. Ideo tamen eius, qui nobis officinalis est, *hellebori nigri* virtutes nequaquam parui ducere licet, quin potius veratro albo nostro, remedio admodum ancipiti, praeferri debeat. Semper autem cauendum, ne huius loco *adonidis*

*) Theriac. Cap. III. p. 426.

**) Tetr. I. serm. 3. cap. 129 et 130.

***) Lib. de medic. III. cap. 18.

nidis vernalis, *actaeae spicatae*, *trollii Europaei*, *Astrantiae maioris*, *aconiti napelli* aliarumque id genus plantarum radices a pharmacopolis vel impostoribus insens ac inuitis nobis veniuntur, quamquam et *helleboro nigro* ipsi soli, climatis et culturae diuersitas largam facilemque faciei indolisque suae mutandae suppeditauerit occasionem. Sic a nonnullis adhuc duae eiusdem recensentur species, quarum altera *) ab *helleboro nigro* non nisi quoad corollae colorem differt, quippe quae tum luteis, tum rubicundis venis varie picta conspicitur; altera **) multo copiosiores fibras habet, quam vulgaris, et ab ea quoque differt corollae colore, venis viridescentibus et roseis pictae. Tandem quoque huc referri potest *Helleborus niger styriacus* ***), flore viridi, caule multifloro et aequali folioso, foliis digitatis radicalibus, caulem tandem superantibus, cuius itidem plures exhibentur species. Hunc quidem

WE-

*) Vid. Herbar. Blackwell. Tab. 507.

**) Vid. ibid. tab. 508.

***) Vid. ibid. tab. 509.

WEDELIVS alteri flore roseo anteposuit,
JOH. BAVHINVS vero eodem saltim habuit
loco.

Magna autem *primo* huic medicamini
vis inest tubum intestinale atque viscerum
vicinorum vasa, ea praesertim, quae sunt
a systemate venae portarum, ad fortio-
rem reactionem stimulandi. Hanc quidem ob
rem non solum pravis intestinorum conten-
tis expellendis, sed etiam, quod maioris
esse videtur, obstructionibus ac infarctibus,
quae maniae utplurimum antecedunt vel
superueniunt, soluendis egregie inseruit.
Maxime tamen iis conuenit, in quibus in-
gens viscerum abdominalium torpor atque
atonia obstat, quominus causae materiales,
vel morbo priores, vel hoc ipso natae leniori
medicinae locum faciant; etenim tubi in-
testinalis sensibilitatem sensim restituendo,
vel virium inter cerebrum aliasque partes
aequilibrium; durante infania sublatum,
maximam partem restituit. *Dein* quoque
pharmacum nostrum instar omnium dra-
sticorum vim possidet vermicifugam, quae sola
illud reddit saluberrimum in iis, quorum
desipientiam vel fecerunt, vel alunt fouent-
que vermes. Ob magnam tandem, qua
pollet nostra medicina, sanguinem propel-
lendi

lendi virtutem, multum praesertim valet in ea maniae specie, quae a menstribus suppressis vel retentis sumsit originem. Id quod mehercule iam DIOSCORIDI haud incognitum fuit, quem melampodii sui radicem pro supposito in iis adhibuisse traditur, quibus menses non bene respondent. E recentioribus Cel. MEAD hanc pharmaci nostri potestatem insigni exornauit encomio dicens: *Ex omnibus autem, quae menses maxime mouent, singularem virtutem habere apprehendi Helleborum nigrum, ita ut nunquam sperasse meminero.* Simili ratione huiusce viri magni commentator, CLIFTON WINTRINGHAM, de eodem remedio iudicat. Quamquam autem menses non bene respondentes ad insaniam procreandam conferant symbolam, iam supra indicatum est.

Ob has omnes ac singulas virtutes helleborus noster in multis insaniae casibus pharmacorum nulli, ac ne ipsi quidem veterum helleboro postponendus esse videtur. Neque audiri merentur, qui nouam tutioremque medicinam inuenisse ratam veterum illam, usu semel comprobata vel diffamant, vel saltim spernunt, quo-

quoniam *graciola*, *) *camphora* **) *incisiones* ***) in cranio, et quaecunque insuper contra infaniam commendata esse legimus, neque sola, neque tam saepe opem tulisse constat.

§. VIII.

Kali tartaricum, quatenus pro re nata helleboro aliisque purgantibus drastice praeferri debeat.

Vt in cunctis morbis, sic in mania tam caussarum, quam corporis sedulo ponderari debet ratio, ne temerario hellebore
alio-

*) BVCHOLZ in *Hufsland. Journal der pract. Heilk.* 2. B. S. 142.

**) V. BAGLER *ibid* 1. B. 3. St. p. 435. Cf. AVENBRUGGER *exper. nasc. de remed. specifico in Mania*, Vindob. 1776. 8.

***) LOEFFLER apud *Hufsland*, 1. c. 4. B. 2, St. p. 227. Cf. CELS. *Med. Lib. III. cap. 18.*

aliorumue drasticonum usu malum praefens in peius vertatur. Qui enim desipientes vna laborant corpore admodum sensibili, exsucco aridoque, his medicina drastica, audacter propinata, parum conuenit; quae enim ad summum vires conuelluntur, ut plerisque postea pernicies indelebilis, haud raro hydrops superueniat. Ad leniora potius, ubi magna vrget debilitas, medicamina confugiendum est. Hanc ob rem Cel. MVZELL, crebra obseruatione ductus, kali tartarico in mania tam insignes tribuit laudes. Hoc enim, cum nullam vim interat tubo intestinali omnium, quae in dubiis maniae melancholicae casibus porrigi possunt, pharmacorum non solum tutissimum, sed etiam debilitati verae, forsan morbum continenti, prae ceteris idoneum est. Etsi nostra aetate plurimi calculum adicere dubitant BOERHAVII atque HVXHAMI, virorum longe celeberrimorum. sententiae, qui sanguinis spissitudinem atrabiliariam tartaro tartarifato, uti illis audebat, solui rati sunt; hoc tamen verum est; hoc pharmaco dato tubum intestinalem atque per consensum viscera vicina ad functiones suas exercendas sensum stimulari, eoque longos hepatis aliorumque viscerum obstructions ac infarctus egie-

egregie solui. Vtilis autem praesertim idem est in mania melancholica iis, qui pallore, macie, habitu icteritico vel terrestri, alui obstructionibus atque stomacho infirmo laborant. Recentiores hoc in casu vel fortioribus emeticis, antiquiorum more, vel nauseam mouentibus saepe vsi sunt. Cum autem in vera descipientium debilitate ne iis quidem vomitionibus credendum sit, quae lenioribus medicamentis fiunt, multo magis hoc valet de valentiore medicina emetica, vt crebro vel inutili vel lethifera. Sub eadem rerum conditione nauseam mouentia, cum ferocia delirantibus admodum salutaria, non conueniunt, quippe horum continuato vsu ventriculi atque intestinorum sensibilitas adeo augeatur, vt posthac nullum relinquatur remedium, quod tuto ferri possit.

